



UNIVERSITÄTS-
BIBLIOTHEK
PADERBORN

**Institutionum Juris Canonici Sive Primorum totius Sacrae
Jurisprudentiae Elementorum. Libri Quatuor**

Febeo, Francesco Antonio

Coloniæ Agrippinæ, 1704

VD18 13560743-001

Tit. XIV. De Pœnis

urn:nbn:de:hbz:466:1-63052

15. de reg. jur. in 6. & l. Beneficium 3. ff. de conf. Princip. Privilegia autem secundi generis, quæ scilicet sint derogatoria juris communis, aut præjudicium inferant tertiæ personæ contra jus quod ipsa jam habet acquisitum, utpote odiosa, docent esse potius restringenda, ut sumitur ex cit. c. Odia 15. de reg. jur. in 6. Videri potest Suar. in cit. lib. 8. de leg. cap. 27. & 28.

18. Particulares abusus privilegiorum, seu particulares excessus privilegiatorum à Sacris Canonibus damnati, videri possunt in cap. Ad hæc 5. c. Patentibus 10. c. Tuarum 11. c. Ex parte 27. alisque juribus de privileg. nec non eod. tit. in 6. & Clem. & Extrav.

T I T. XIV.

De Pœnis.

1. Post titulos de criminibus congruenter sequitur rubrica de pœnis: decet enim pœnam esse comitem culpæ, ut quos Dei timor à peccato non retrahit, saltem pœna corripiat.

2. Nomen pœnæ duplicitate sumi potest. Aliquando enim sumitur in ampliori significatione pro quolibet damno, seu incommodo, quod alicui infligatur, etiamsi nulla ejus culpa præcesserit, ut colligitur ex c. sine culpa 23. de reg. jur. in 6. Aliquando autem sumitur in strictiori



tiōri significatione , & extenditur tantum ad ea coercitionum genera , quæ alicui infliguntur propter culpam ab eo commissam , sub qua acceptione definitur in l. aliud. 131. ff. de verb. fgnf. noxæ vindicta , & delictorum coercitio , in cap. autem Pœnitentia. 4. de pœnit. dist. 3. læsio quæ punit , & vindicat quod quisque commisit.

3. Sicut autem varia sunt criminum genera variaque tribunalia , in quibus crima puniuntur ; ita & varia sunt pœnarum classes , ut de jure civili videti potest in toto tit. ff. Et Cod. de pœnis , & de Jure Canonico eod. toto tit. de pœnis qui est in 5. Decretal. in 6. in Clem. & in Extravag.

4. Pœna Ecclesiastica , de qua nobis est specialiter agendum , intelligitur illa , quæ per potestatem Ecclesiasticam infligitur , atque dividitur in pœnam merè spiritualem , & in pœnam temporalem. Pœna primi generis est quæ principaliter animam punit , privans illam spiritualibus bonis , quamvis interdum in consequiam privet etiam aliquibus corporalibus. Ad hoc genus reducuntur censuræ , privatio beneficiorum , aut vocis activæ aut passivæ , item inhabilitates &c. Pœna Ecclesiastica temporalis est quæ principaliter privat temporalibus bonis , eaque subdividitur in pecuniariam , & corporalem qualis est pœna carceris , verberatio ,

tio, exilium &c. adde, & poenam mortis, quæ non excedit Ecclesiastica potestatem, ut colligitur ex extrav. unam sanctam i. de major. Obed. inter comm. quamvis Ecclesia non soleat hanc potestatem exequi per Judices, & Ministros Ecclesiasticos, sed per laicos, & mediante illorum potestate: quinimmo, ut piam Matrem decet, quando Ecclesia aliquem Clericum degradatum, vel etiam laicum tradit potestati sacerdotali, efficaciter pro eo intercedit, ut citra mortis periculum sententiam moderetur, ut dicitur in c. novimus 27. de verb. signif. c. Reos 7.23.q.5.

5. Rursus poena Ecclesiastica alia est ferenda sententiæ, alia latæ sententiæ. Poena ferenda sententiæ intelligitur illa, quæ non incurrit nisi mediante sententia Judicis condemnatoria aut executoria. Poena latæ sententiæ est quæ incurrit ex ipso Jure, seu canone disponente, independenter à ministerio Judicis, seu absque alia sententia condemnatoria, vel executoria, quia ipsum iustificat secum executionem. Utrum autem in particularibus casibus poena aliqua per legem statuta dicenda sit ferenda aut latæ sententiæ, pendet ex verbis ipsius legis, quæ si aliquando ambigua sint, & omnibus expensis probabiliter dubitetur utrum contineant poenam latæ, vel ferendæ sententiæ, in tali casu ex pluribus, quos

re-



refert, supponit Suar. lib. 5. de leg. c. ip. 6. num. 3. intelligenda esse ferendæ, quia in pœnali materia interpretatio fit in partem benigniorem, ut constat ex cap. in pœnis. 49. de reg. jur. in 6. & l. interpretatione 42. ff. de pœnis. Videri potest idem Suar. in cit. c. 6.

6. Quamvis tamen circa pœnam latæ sententia, ut incurritur, non requiratur sententia Judicis ipsam imponentis, cum imponatur per ipsam legem; quæri nihilominus potest utrum faltem requiratur sententia declaratoria criminis?

7. Respondent communiter Authores, quod si sermo sit de censuris impositis per Canonem latæ sententiæ, illæ incurruunt ipso facto absque ulla sententia declaratoria criminis, idem dic de irregularitatibus, & ita communiter servatur in praxi. Si autem sermo sit de pœnis à censura distinctis; vel illæ sunt pœnae pure privativæ, & quæ nullum requirunt actum physicum hominis ad sui consummationem, seu executionem, quales sunt inhabilitates, privationes tituli, seu solius dominii civilis, privationes vocis activæ aut passivæ &c. vel sunt pœnae quæ ad sui executionem indigent aliqua hominis actione, qualis est privatio bonorum civiliter, & naturaliter possessorum, pœna exili &c.

8. Primi generis leges pœnales, quæ videlicet

delicet ad sui executionem nullum requirunt actum physicum hominis, si contineant poenam latæ sententiæ, habent absolutè suum effectum, etiam in delictis occultis ante omnipotem sententiam declaratoriam criminis, ut docent Doctores citati à Suar. *in cit. lib. 5. cap. 9. n. 2.* Unde si contingat v. g. ab aliqua persona committi delictum, quod per Sacros Canones inducat inhabilitatem, seu impedimentum dirimens ad matrimonium cum certa persona contrahendum, ante quamcunque sententiam declaratoriam criminis censetur absolutè inducta eadem inhabilitas, & matrimonium judicatur irritum, si ab eademi persona cum illa alia fuerit attentatum.

9. Quod attinet ad leges poenales alterius generis, quæ ad sui executionem aliquem requirunt actum physicum hominis, res est controversa inter Doctores, aliis afferendibus ipsas incurri, & effectum habere ante sententiam declaratoriam criminis, adeoque ante ipsam teneri delinquentem relinquere rem quam per legem privatur, quam sententiam tenet Abb. *in c. i. de constit. n. ii. Felin.* Aliique plures citati à Suar. *cap. 8. n. 4.* Aliis contra afferendibus, ejusmodi leges poenales quamvis non requirant sententiam condemnatoriam, regulatiter tamen requirere declaratoriam criminis, nisi tamen in ipsa lege poenali aliqua verba ad-



dantur, quæ satis explicit intentionem Legis-
latoris esse, ut inducatur absolute poena ante-
declaratoriam, aut nisi cæteroquin lex ipsa pœ-
nalis esset inutilis, & inefficax. Huic sententiæ
videtur favere Innoc. in c. cum nostris 6. de con-
cess. præb. n. 1. aliique plures relati ab eod. Suar.
ibid. n. 5. ubi concludit eandem esse probabilio-
rem: tum quia communis usus (ut ipse testatur)
ita videtur tales leges interpretari; tum etiam
quia non videtur deesse fundamentum in Jure:
nam in c. cum secundum. 19. de hæret. in 6. decer-
nitur ut bona hæreticorum sint ipso Jure con-
fiscata, & tamen eorundem bonorum occupa-
tio fieri non possit, nisi promulgata fuerit sen-
tentia criminis declaratoria.

T I T. XV.

De Sententia excommunicationis.

1.] Nter reliquas pœnas, quæ per potestatem
Ecclesiasticam infliguntur, potissimum lo-
cum habent censuræ, per quas privatur homo,
quando per illas punitur, spiritualibus bonis.
Est autem censura triplex, videlicet excommu-
nicatio, suspensio, & interdictum, ut sumitur
ex c. quaranti zo. de verbis. f. gnif. de quibus sin-
gulis agendum est, inito facto ab excommuni-

A a

catio-